

Među gostima Halid Bešlić, Branka Sovrlić, Šuki Planjanin, Verena Cerovina

"Legende" predstavile kompilacijski album "Najveći hitovi"



Srbijanski bend "Legende" u sarajevskom "Coloseumu" jučer je u prisustvu novinara i kolega predstavio svoj kompilacijski album "Najveći hitovi". Na ovom CD-u se uz 12 kompozicija nalaze i dueti s Halidom Bešlićem i Željkom Samardžićem.

- Za bosansko tržište smo posebno birali pjesme i mislim da smo napravili dobar izbor. Mi nikada nismo radili hitove nego evergrine, koji ne traju samo nekoliko mjeseci nego decenijama - rekao je Zoran Dašić, član "Legendi" koji potpisuje većinu njihovih pjesama.

Pjevač benda Ivan Milinković sretan je što će večeras pjevati u "Coloseumu" i ističe da je ovaj nastup najava za veliki koncert u bh. prijestonici.

- Velikim koncertom želimo i u Sarajevu obilježiti 25 godina uspješnog rada. Mislim da će "Coloseum" biti dobra uvertira za veće druženje u glavnom gradu BiH - rekao je Milinković.

Na promociji albuma "Najveći hitovi" bili su Halid Bešlić, Branka Sovrlić, Šuki Planjanin, Verena Cerovina...

- Rad "Legendi" pratim od samih početaka, a o kvalitetu njihove muzike najbolje govori njihovo ime. Drago mi je što smo snimili duet i vjerujem da će postati pravi hit. "Tamburaši" tek hvataju mah i uvjeren sam da će obilježiti kraj godine - kaže Bešlić, kojem je žao što neće moći prisustvovati njihovom večerašnjem nastupu.